

# DISPUT

## COMPOSET A NEVEZ

ENTRE

### UR C'HEREER

HAC

### UR BOTOER COAT.

#### *Var un ton nevez.*

Mar gallan gout ar feçon, e teuin da rima  
 Eun disput a neve flañ, d'en em divertissa,  
 Savet entre ar C'hereer hac ar Botoer coat :  
 Pa vent crog en eur 'boutail int daou pot delicat.

O daou o deus prometet e mige digante,  
 Goude formi eun disput excellent entrese ;  
 Eun doucen vio fritet hac eun tam bara guen,  
 Hac eur banne da effa en fin ar ganaouer.

Mar be glebiet an anchen ar bombard a zono,  
 A zilao gant parfeti eun darn a resonò,  
 Vit ho lacat da zisput an eil oc'h e guile  
 Ha neu pas rima netra nemert ar virione.

— Er gouan ec'h intentan, eme ar Botoer coat,  
 E me a zeu da vicañ treid an dud delicat,  
 Ha te, Quereer infam, gant ta votou ler,  
 A zigaç ar c'hlenvejo hac eun nómbr a vizer.

— Eun tam eo istimet huelloc'h ma efat  
 Evit n'en deo da hini, pot ar Botou coat.  
 Ma rancfe beajerien bale gant sorgello,  
 E vent eun anter hirroc'h oc'h ober campagno.

— Evit prepari'n douar da lakat an 'trevat  
 Eo eun dra necesser cavet eur botou coad ;  
 Ne voeler den o palat er parc gant botou ler  
 Ha c'hoas e fell dit laret ne n'on qet necesser.

— Goud a ran eo ar botou coat a gonserv ar yec'het  
 Hac a brepar an douar evit lacat an ed,  
 Evel ma c'her da redeç er parc gant o vejo  
 E scanvoc'h ar botou ler evit eur sorgello.

— Pa deui an'erc'h, hac ar scorn, hac ar gouan calet,  
E ranko ar C'hereer paca e vinaouet ;  
Ha me doucho an arc'hant partout, er marc'hajo,  
Ha te a sello ouzin ha digor da c'heno.

— Pa erruo ar mis meurs, hac an neve amzer  
Da visca an habijo brao hac ar botou ler,  
Neuze na vo istimet netra ar boto coat ;  
Ur boto ler da vale a so traou dilicat.

— Alies e renq'es mont da dy ar c'hivijer  
Ha na pe nemet tri scoet pe eun tri scoet anter,  
Ha me laca assambles bete c'huec'h ugent scoet  
Da brena ar c'hoat boto evit ar baysantet.

— Goel a ze dit, ma mignon, pa teus eur bern arc'hant ;  
An neb o deus nebeutoc'h a vev honestamant.  
Me a deb q'ic ha zouben, ma yod da greis-de :  
Ordinal ec'h intentant on bevet couls a te.

— Poent eo din finissa rac an nos a dosta,  
Hac an hostis a jeno pa na effomp netra,  
Hac a roi din hon c'honje, Coader a Q'ereer,  
Da bartian deus he dy ha mont da gaet ar guer.

— Ebars en hostalери e vo rezonio,  
Disput entre ar vignonet ha chass-bleo evecho ;  
Ar c'hoste crea c'hone ebars en peb affer :  
Mar q'eres ni a velo, eme ar C'hereer.

Goude leis cov e crogjont vel daou guy animet,  
Ha stagan d'en em gannan evel tud malisset,  
Q'eu ha ranq'as an hostis q'emer e vas ribot,  
Ha sq'ei voar zin discregui en saçon ma oant crog.

Goulennomp eur chopinat d'en em dispartia :  
An hostis on servijo mar deuomp d'e bea,  
Hac evomp pep a vanac'h e fin ar ganaouen ;  
An oll a ranc caout boto pe vale dierc'hen.


An hini en eus rimet an disput dilicat  
Savet entre eur C'hereer hac eur Botoer coat,  
En eus gret meur a hini, e hano *Yan ar Goen*,  
Hac a veler ordinal en fin ar ganaouen.



FIN.



# Ar Vran hac ar Louarn.



Voar an ton : *Tra deri dera, tra la la.*

Eur vech eur Vran coz ral, var eur blantea perchet,  
A zalc'he en e vec eur fourmajen scornet ;  
Pa zantas ar houez-se, eul Louarn nemeur bras  
A zostas polimant, a dar Vran lavaras :  
Var ton an tra la la la, var ton an tra la la la,  
Var ton an tra deri dera, tra la la.

— Ah ! bonjour ta, Vran quez, a penos a rit-hu ?  
— Me non quet fal, merci, laras ar Vran dustu ;  
A va oll bugale, nemerd ar c'hantekvet  
Pehini gand ar scorn a so goal eurumet.  
Var ton an tra la la la, etc.

— Min toue vad, Vran quez, c'hui so goal brao guisquet,  
Dre sur en ker Paris e ve gret o tillet.  
— Ya, respontas ar Vran, pa glevas ar gomz-se,  
Rac en ker Lanhuon ne visquer qet guis-se.  
Var ton an tra la la la, etc.

— Ho ! mar canit quen brao evel oc'hu guisquet,  
Neus quet er baros-mâ caner vit o heuillet.  
Canet-ta dem, mar plij, pe cantic, pe chanson,  
Ni glevo ac'hanoc'h gant cals attention.  
Var ton an tra la la la, etc.

Pa glevas ar frim-se, ar Vran, digomplimant,  
A ganas eur chanson tost diligentamant.  
Ractal pa gomanças, pa ne oa quen dalhet,  
A goeas eus e vec e fourmajen scornet.  
Var ton an tra la la la, etc.

Al Louarn, laouen bras, pa velas an dra-se,  
Lampas var ar fourmaj, ac en debas, ma fe.  
Neuse e lavaras dar Vran disconcertet :  
— Ne ousoc'h quet cana, noc'h quet tam brao guisquet.  
Var ton an tra la la la, etc.

Pa glevas quement-se, ar paour quez Vran chagrin  
 Lavaras d'al Louarn : — Va fot, te so bed fin ;  
 Mes evit eur vech al, ne lesin quet biquen,  
 M'en assur did, Louarn, dibri va fourmajen.  
 Var ton an tra la la la, etc.

KENTEL.

Cetu eun avis mad var ben ar chanson-ma ;  
 Vranet coz pe yaouanc, silaouet tout brema :  
 Mar carit ar fourmaj, pa debfot anezan,  
 Ne ganit quet neuze, chaquit atao nean.  
 Var ton an tra la la la, etc.

PARC AR VINGLEUZ

*Voar eun ton da ober.*

E pad an de pelec'h voac'h chomet,  
 Autrou quez Bourjet,  
 E parc Vingleuz an Daouniet,  
 Mignonet din, mignonet,  
 E parc Vingleuz an Daouniet.  
 Pehini meus bet prenet.

Enan petra so bel gret  
 Autrou quez Bourjet  
 Graç dan oll asistantet  
 Mignonet din, mignonet,  
 Graç dan oll asistantet  
 Ar parc so bed difonset.  
 Dre sur houi so goal caret,  
 Autrou quez Bourjet  
 Pa so deut cals a dud vad,  
 Do sicour tout a galon vad,  
 Evit netra da labourat  
 En o comannan Rosangoat.

Ar zon-ma neus composet  
 An autrou Bourjet  
 En honor he vignonet  
 Pere tout vitari deuz poagnet  
 Da veurz, seiz varnuguen  
 Mil eiz cant tregont ac uguen.

E ty Ar Goffik, e Lanhuon.